

YANGI O‘ZBEKISTON

Ijtimoiy-siyosiy gazeta

№ 53 (1114), 2024-yil 14-mart, payshanba



www.yuz.uz



yuz.uznews



yuz_official



yuz.uz_news



yuz



Olam nurga to‘lsin sen bilan, Navro‘z!

KO‘NGILLARDAN RUTUBAT KETDI



Afsona va rivoyatlar bu bayramning qadimiyligidan darak beradi. Emishki, Navro‘z Odam Ato va Momo Havo topishgan, Nuh alayhissalom to‘fondan omon qolgan, afsonaviy shoh Jamsheed taxtga chiqqan kun, Beruniyning ta‘kidlashicha esa farishtalar yaratgan kundir. Ko‘rinib turibdiki, uning paydo bo‘lishi insoniyat yaratilishiga bo‘lgan davrlarga borib taqaladi.

Umuman, bu bayram qachon paydo bo‘lgani emas, balki o‘zida jo‘ eigan o‘lmas insoniy g‘oyalari, o‘tmishdan to‘ bugungi kungacha o‘zlik qo‘shig‘ini o‘zida mujassam etgani bilan ahamiyatlidir. Har yili yurtimizda Navro‘z bayrami musaffo osmonimiz, inson qadri ulug‘lanadigan, ota-bobolarimiz qoldirgan ma‘naviy meros bilan yo‘g‘rilib, keng nishonlanadi. Davlatimiz rahbarining “2024-yilgi Navro‘z umumxalq bayramiga tayyorgarlik ko‘rish va uni o‘tkazish to‘g‘risida”gi qarorida milliy bayramimizni “Olam nurga to‘lsin sen bilan, Navro‘z!” bosh g‘oyasi ostida o‘tkazish belgilangani ham buning yaqqol dalilidir.

Har yili bayramga hududlar miqyosida keng tadorik ko‘riladi. Ayyom arafasi ko‘pchilik tug‘ilgan qishlog‘iga qarab yo‘lga otlanadi. Bu ham o‘ziga yarasha mehr-oqibat nishonasi.

Davomi 2-beta

Har yili keng nishonlanadigan bayramlardan biri Navro‘zi olam ota-bobolarimizning qarashlarini, milliy qiyofasini ko‘rsatadigan, ezgulikni ulug‘lab, xalqimiz diliga hayotsevarlik, bunyodkorlik, mehr-muruvvat, tinchlik, vatanparvarlik, mo‘l hosil va qut-baraka tilash g‘oyasini jo‘ etib kelgan.

Bugunning gapi

BIR OYDA IKKI MARTA ISH HAQI, KECHIKTIRILGAN HAR BIR KUN UCHUN KOMPENSATSIYA...

Ratifikatsiya qilingan xalqaro konvensiyadagi muhim tamoyillar

Davlatimiz rahbari shu yil 12-mart kuni “Xalqaro mehnat tashkilotining Ish haqini himoya qilish to‘g‘risidagi 95-sonli Konvensiyasini (Jeneva, 1949-yil 1-iyul) ratifikatsiya qilish haqida”gi O‘zbekiston Respublikasi qonunini imzoladi. Bu mamlakatimizda inson huquqlarini himoyalash, adolati ijtimoiy siyosat yuritish, mehnat munosabatlarini takomillashtirish va mehnatni muhofaza qilish borasida amalga oshirilayotgan islohotlarning uzviy davomidir.

Mazkur konvensiyaning ratifikatsiya qilinishi mehnatkashlar manfaatini muhofazalash, har bir xodim mehnati uchun munosib ish haqini o‘z vaqtida olish huquqini ta‘minlash bo‘yicha xalqaro standartlarni samarali joriy etishga xizmat qiladi.

Oliy Majlis Qonunchilik palatasining Mehnat va ijtimoiy masalalar qo‘mitasi raisi

Mavluda XO‘JAYEVA bilan subhatimiz ushbu xalqaro konvensiyaning maqsad-mohiyati, uning ratifikatsiya qilinishi orqali zimmaga olinadigan majburiyatlar va ulami bajarish bo‘yicha amalga oshiriladigan chora-tadbirlar xususida bo‘ldi.

Davomi 3-beta

MULOHAZA

Vatan qolar ekan, VATAN ABADIY

Vatan, vatanparvarlik haqida gap ketar ekan, beixtiyor maktab yillari-yu “Vatan tuyg‘usi” fanidan dars o‘tadigan ozg‘ingina o‘qituvchimizning partalar oralab ohista yurgancha, ushbu satrlarni aytgani yodimga tushadi:

*Bahrayn suvlarga chaydim yuzimni,
Nasimlar esdilar iliq, arabiy.
Bir osmon to‘ldirib keldi ko‘ksimni —
Vatan qolar ekan, vatan abadiy.*

Xalqim, non-u tuzing hamisha halol,
Vatan qolar ekan, Vatan abadiy.

Hozir bu go‘zal she‘rda nima haqda gap borishiyu qanday tuyg‘ular tarannum etilganini juda yaxshi anglayman. Biroq baribir yana o‘sha davrlarga qaytib, aynan shu rangpargina o‘qituvchining tilidan she‘rni qayta tinglamog‘ga borimni berishga-da tayyor bo‘laman ba‘zan. Bizga Vatan haqida ilk marta o‘ylatgan o‘sha ustozimizga chin ko‘ngildan rahmat aytishni sog‘inaman, nega o‘shanda rahmat aytmaganman, deya o‘zimni koyiyman.

Biz u paytlar o‘yin-qaroq edik, darsda zavqlanib o‘tirsak-da, qo‘ng‘iroq chalinishi bilan o‘qituvchidan oldin ko‘chaga otilardik. Ha, bolalik faqat yugurish bilangina o‘tarkan. Tanaffusda maktab stadioniga, dars tugagach esa quvalashib uyga yugurardik. Yagona burchimiz maktabga kelib-ketish, deb bilar, ko‘nglimizda zig‘ircha ham qo‘rquv yoki hadik yo‘q edi. Bir-birimiz bilan tortishib qolmasak, bizga begona biror kishi ziyon yetkazmasdi.

Maktab uyimizdan taxminan to‘rt chaqirim uzoqda joylashgan. Ba‘zan sinfdoshlarim bormagan kunlari bir o‘zim ham ketaverdim. Chunki Vatanimiz tinch edi, shu sababli butun dunyoni ana shunday tinch, deb tasavvur qilardik.

Davomi 5-beta

Biz, endigina hayotning ranglari bilan tanishayotgan bolalar qo‘limizni parta ustiga qo‘yib, deraza ortida oppoq gullagan bodomga tikilgan she‘rni maroq bilan tinglar edik. To‘g‘ri, she‘rning mazmunini to‘liq tushunmasdik, biroq undagi birgina Vatan so‘zi o‘zgacha ohangda eshitilar, uning nima ekanini bilishga o‘ch edik. Oradan yillar o‘tib, o‘sha she‘rning davomini yana qayta o‘qidim:

*Bobo qirlardagi bir xas yo‘ tikan,
Shu ham kimlargadir zo‘r armon ekan.
Ko‘p ekan zar topib, zor bo‘lib yurgan,
Vatan qolar ekan, Vatan abadiy.
Olmon tuprog‘ida bir nemis ayol,
Ko‘zda yosh, o‘zbekcha ayladi savol.*

Hududlar hayoti

SHAMOLNI SEVUVCHI KISHILAR

Beshariq tumani Farg‘ona vodiysining g‘arbiy darvozasi hisoblanadi. Sharqdan nur taratib, bosh ko‘targan quyosh beshariqliklarga ham bitmas kuch-quvvat bag‘ishlaydi. Qo‘qon shamoli ham Beshariqdan boshlanadi. Shu bois, bu yerliklarni shamolni sevuvchi kishilar, deyishadi. Ulardagi g‘ayrat-shijoat, yaratuvchilik, odamiylik fazilatlarini balki shundandir.

Yaqin yillargacha Beshariq tumani e‘tibordan chetda qolgan hudud edi. Tabiiyki, tumanni kompleks ijtimoiy-iqtisodiy rivojlantirish, aholi turmush tarzini yaxshilash, investitsiya salohiyatini kengaytirish, mavjud xomashyo zaxiralardan samarali foydalanish, tadbirkorlikni qo‘llab-quvvatlash orqali aholi bandligini ta‘minlash ishlari o‘lida jo‘lda bo‘lgan. Tumandagi yagona to‘qimachilik korxonasi faoliyati ham turli bahonalalar bilan to‘xtab qolgandi.

Qo‘shni Tojikiston va Qirg‘iziston bilan bog‘lovchi infratuzilma tarmoqlari yopib qo‘yilgani bois, Beshariq yopiq hududga aylangandi.

Tuman markaziga kelish, undan chiqish uchun ham ma‘lum bir chegaralar postlaridan o‘tish, pasport nazorati tizimlari bilan bog‘liq o‘vragarichiliklar yurtidoshlarimizga noqulayliklar yaratardi.

Keyingi yillarda butun mamlakatimiz bo‘ylab quloq yo‘yog‘an hayotbaxsh islohotlar olis tumanda ham yangi tamaddunlarga eshik ochdi. Ko‘hna go‘shada ulkan obodonchilik va bunyodkorlik ishlari avj olmoqda. Odamlarni ko‘pdan buyon qiyab kelayotgan muammolar barham topmoqda, chegaralar postlarida yangi tartib-tamoyillar joriy etildi.

Davomi 2-beta



DOLZARB MAVZU

ONA ZAMIN “ISITMASI”

Uning davosi qayda?

Bugun dunyoda iqlim o‘zgarishi bilan bog‘liq muammolar tobora ko‘paymoqda. Uning oqibatini yuz berayotgan keskin o‘zgarishlardan ko‘ryapimiz, his etyapimiz. Birovlar uni o‘ta xavfli hisoblasa, ba‘zilar unchalik ishonmagani bois, qanday oqibatlarga olib kelishini tasavvur ham etgani yo‘q. Vaholanki, iqlim o‘zgarishi birgina mintaqa yoki xalqqa tegishli emas, u butun dunyoni qamrab, global muammoqa aylangan. Demak, uning ta‘siri, yuzaga keltirayotgan xavf-xattarlari ko‘lami ham ulkan.

“Iqlim o‘zgarishi” atamasi ba‘zan “global isish”ga sinonim tarzda qo‘llanilmoqda. Bu tushunchalar o‘xshash bo‘lsa-da, aslida, turli jarayonlarni aks ettiradi. 2015-yil 12-dekabrda BMTning iqlim bo‘yicha Parij bitimi qabul qilindi. Bundan ko‘zlangan asosiy maqsad BMTning iqlim o‘zgarishi bo‘yicha dastlabki konvensiyasi hayotga tatbiq etilishini faollashtirish, xususan, haroratning global o‘shishini Selsiy shkalasi bo‘yicha o‘rtacha 2°C. dan past holatda ushlab turish va

harorat ko‘tarilishini 1,5 °C.da cheklash uchun sa‘y-harakatlarni ishga solish edi.

Bitimni 190 dan ziyod davlat imzolagan. Uning asosiy jihatlardan biri — rivojlangan davlatlar bilan bir qatorda rivojlanayotgan davlatlar ham atmosferaga tashlanayotgan chiqindilarni miqdorini kamaytirish majburiyatini olishi belgilangan. O‘zbekiston 2017-yil aprelda ushbu hujjatga qo‘shildi.

Davomi 4-beta

